

БАНК АЖВОРОННОМАСИ

Банк ходимлари ва тадбиркорларнинг ҳафталик газетаси

ISSN 2010-6602

Сайтимизга ўтиш учун QR-коднинг телефонингиз орқали сканер қилинг.



1995 йил январдан бошлаб нашр этилмоқда

№48 (1175), 2018 йил 29 ноябрь

Банк тизимини ривожлантириш бўйича долзарб вазифалар белгилаб олинди

Ўзбекистон Республикаси Президенти Шавкат Мирзиёев раислигида 22 ноябрь куни банк тизимини ислоҳ қилиш ва банкларнинг молиявий барқарорлигини мустаҳкамлаш, ҳудудлар ва тадбиркорликни ривожлантиришда тижорат банклари ролини ошириш масалаларига бағишланган видеоселектор йиғилиши бўлиб ўтди.

Кредит ишлаб чиқариш ва инфратузилмани ривожлантириш, тадбиркорлик фаолиятини қўллаб-қувватлашда зарур манба ҳисобланади. Бўш маблағларни жалб қилиб, уларни кредит сифатида тадбиркор ва инвесторларга тақдим этадиган тижорат банклари иқтисодий жараёнларда муҳим ўрин тутди.

Бу борада қўрилган тизимли чоралар натижа-сида охиригича йилда банклар томонидан инвестиция лойиҳаларини кредитлаш кўлами сезиларли даражада кенгайиб, кредит портфели ҳажми 3,2 баробар ошди. Ҳудудларни ривожлантириш дастурлари доирасида 6 минг 400 та лойиҳа учун 27 триллион сўмлик кредит ажратилди.

Йиғилишда банк тизимида ижобий натижалар билан бирга, қатор муаммолар ҳам борлиги қайд этилди. Жорий йилда Президентнинг Виртуал ва Халқ қабулхоналарига банк соҳаси бўйича 24 мингдан зиёд мурожаат бўлгани шундан далилат беради.

Видеоселекторда муаммоли кредитлар масаласи муҳокама қилинди. Бундай кредитлар жами кредитларнинг 1,8 фоизидан кам бўлса-да, йил бошига нисбатан ошгани қайд қилинди. Ҳудудлар кесимида муаммоли кредитларнинг 76 фоизи Тошкент шаҳрига, 5 фоизи Қашқадарё, 3 фоизи Бухоро вилоятига тўғри келади.

(Давоми 2-бетда.)

Монетар сиёсатнинг 2019 йил ва 2020-2021 йилларга мўлжалланган асосий йўналишлари тасдиқланди

Ўзбекистон Республикаси Марказий банкида Марказий банк раиси Мамаризо Нурмуратов бошчилигида банк Бошқарувининг очиқ йиғилиши бўлиб ўтди. Унда Монетар сиёсатнинг 2019 йил ва 2020-2021 йиллар даврига мўлжалланган асосий йўналишлари кўриб чиқилди ва тасдиқланди.



Марказий банк раисининг келтиришича, мамлакатимизда олиб борилаётган кенг ислохотлар негизда янги иш ўринлари яратишни тезлаштириш, хусусий секторни янада ривожлантириш ва "очиқ иқтисодиёт" сиёсатини юритиш учун шароитлар яратиш, аҳоли турмуш фаровонлигини ошириш каби мақсадлар турибди. Шу нуқтаи назардан, Марказий банкнинг асосий вазифаси – нархлар барқарорлигини таъминлаш орқали макроиқтисодий барқарорликни қўллаб-қувватлашдир. Аммо ички нархлар барқарорлигини таъминлашдан туриб, иқтисодий ислохотларнинг реал натижаларини кўришимиз қийин, дея таъкидлади у ўз сўзида.

Жорий йилдаги пул-кредит сиёсати, шу жумладан, валюта сиёсати соҳасида амалга оширилаётган кенг қамровли тадбирлар мамлакатда тадбир-

корлик билан шўғулланиш, бизнес юритиш учун иқтисодий шароитларни тубдан ўзгартириш имконини бермоқда.

Хусусан, мўътадил пул-кредит сиёсатининг юритилиши инфляция даражасига монетар омиллар таъсирининг пасайишига олиб келди.

Ҳукуматнинг пул-кредит сиёсати билан ўзаро уйғунликда амалга оширилаётган чора-тадбирлар ички бозордаги товарлар нархининг кескин ўсиши ва инфляция босимининг олдини олиш имконини берди. Шунга қарамасдан, иқтисодиётда инфляция босими кутилмалари сақланиб келаётганлиги ушбу йўналишдаги амалий чораларни 2019 йилда ҳам изчил давом эттириш заруратини белгилайди.

(Давоми 2-бетда.)

Ҳар бир давлатнинг иқтисодий юксалишида аҳолининг молиявий саводхонлиги муҳим ўрин тутади. Айниқса, замонавий банклар тақдим этаётган хизматлар бўйича аҳолини хабардор этиш ва улар иштирокини таъминлаш банклар рағбат учун муҳим саналиб, асосий даромад манбаи бўлиб хизмат қилади.

Банкларнинг молиявий жиҳатдан бақувват бўлиши эса, қўллаб соҳалар ривожига туртки бўлиши сир эмас. Шу боисдан ҳам мамлакатимизда молиявий оммабоплик ва саводхонлик бўйича миллий стратегияни ишлаб чиқиш ва халқро тажрибаларни ўрганиш, чет эл банклари томонидан эришилган ютуқларни амалиётга татбиқ этиш борасида дадил қадамлар ташланмоқда. Ўзбекистон Республикаси Марказий

Молиявий саводхонлик – тараққиёт гарови



банкни томонидан ўтказилган "Молиявий оммабоплик ва саводхонлик – барқарор иқтисодий ривожланиш омиллари сифатида" мавзусидаги халқро анжуман ҳам бунинг яққол далили бўлди.

Мазкур халқро тадбирда Жаҳон банки аъзолари, Осиё тараққиёт банки, Европа тикланиш ва тараққиёт банки каби халқро молия ташкилотлари, республика Марказий банки раҳбарияти, вазирликлар ва идоралар ҳамда тижорат банклари вакиллари иштирок этди.

(Давоми 3-бетда.)

ИСЛОҲОТЛАР ЙЎЛИДА

Банк тизимини ривожлантириш бўйича долзарб вазифалар белгиланган олинди

(Давоми. Бошланиши 1-бетда.)

Шунингдек, ҳокимликлар ва тармоқлар томонидан айрим лойиҳалар пухта ишлаб чиқилмагани оқибатида бир қатор объектлар ўз вақтида ишга тушмагани ва кредитлар қайтиши чўзилаётгани кўрсатиб ўтилди. Жумладан, Тошкент, Самарқанд, Бухоро, Жиззах, Сурхондарё вилоятларида ва Қорақалпоғистон Республикасида кредит маблағлари ажратилган айрим инвестиция лойиҳалари ҳалигача бошланмагани танқид қилинди.

Уй-жой фондиди таъмирлаш ва турар жой биноларини барпо этишга қайтариш манбалари ва имкониятлари тўлиқ ўрганилмасдан кредит ажратилиши натижасида умидсиз қарзлар кўпаймоқда. Масалан, хусусий уй-жой мулкдорлари ширкатлари ва кўп қаватли уй-жойлар қурилиши бўйича катта миқдорда муаммоли кредитлар мавжуд. Улардан энг кўпи – Тошкент шаҳрида 32 миллиард сўм, Қашқадарё

вилоятида 27 миллиард сўм, Андижон вилоятида қарийб 20 миллиард сўм ва Бухоро вилоятида 14 миллиард сўмдир.

Давлатимиз раҳбари муаммоли кредитларни қайтариш банкларнинг имкониятларини янада кенгайтиришини, уларни ундириш бўйича банклар, қарздор корхоналар, компания ва уюшмалар, ҳудудлар раҳбарлари биргаликда иш олиб бориши зарурлигини таъкидлади.

Банкларнинг кредит учун ресурслар жамлашдаги фаоллиги ҳам етарли эмас. Аҳоли ва юридик шахсларнинг бўш маблағларини банк депозитларига, биринчи навбатда, муддатли ва жамғариб бориладиган депозитларга жалб қилиш банкларнинг молиявий барқарорлигини мустаҳкамлаш имконини беради.

Президентимиз тижорат банклари томонидан халқаро молия институтлари кредит линияларини яна-

да кўпроқ жалб этиш ва уларни тўлиқ ўзлаштиришни фаоллаштириш лозимлигини қайд этди.

Тижорат банклари устав капитали асосан давлат улуши ҳисобига оширилиб, хусусий сектор маблағлари деярли йўналтирилмагани жиддий танқид қилинди.

Ўтган икки йилда давлат томонидан банкларнинг капиталига қарийб 1 миллиард доллар миқдорига маблағлар ажратилган. Қўрилаган чора-тадбирларга қарамадан давлат улушига эга деярли барча банклар, жумладан, "Қишлоқ қурилиш банк", "Ўзсаноатқурилишбанк", "Асака" банк, "Агробанк", "Микрокредитбанк", "Алоқабанк" ва "Ипотека-банк" устав капиталида жисмоний ва юридик шахсларнинг ажратилган улуши кескин камайган. Шунинг учун хусусий сектор маблағларини банкларнинг устав капиталига фаол жалб этиш кераклиги таъкидланди.

Йиғилишда тижорат банкларининг кузатув кенгашлари банкларнинг стратегик ривожланиш йўналишларини белгилаш ва фаолиятини яхшилаш бўйича қўрилган ишламаётганига эътибор қаратилиб, Марказий банк, Иқтисодий вазирлиги давлат тасарруфидаги банкларнинг кузатув кенгашлари фаолиятини танқидий ўрганган ҳолда, улар таркибини тубдан қайта қўриб чиқиши ва самарадорлигини ошириши бўйича кўрсатма берилди. Мамлакатимиз молия муассасалари фаолиятини такомиллаштириш учун хориждан юқори малакали мутахассисларни жалб этиш вазифаси қўйилди.

Давлатимиз раҳбари тадбиркорликни ривожлантириш, аҳолини иш билан таъминлаш мақсадида микрокредитлар ҳажмини кескин ошириш, уларни ажратиш тартибини соддалаштириш зарурлигини таъкидлади.

Йиғилишда муҳокама қилинган масалалар юзасидан мутасаддиларнинг ахборотлари эшитилди.

ЎЗА

Монетар сиёсатнинг 2019 йил ва 2020-2021 йилларга мўлжалланган асосий йўналишлари тасдиқланди



(Давоми. Бошланиши 1-бетда.)

– Биламизки, инфляция даражасини паст кўрсаткичда бўлишига эришиш нафақат аҳоли даромадларининг товар ва хизматлар сотиб олиш қобилиятини сақлаб қолишга, ижтимоий барқарорликни таъминлашга бўлган қулай инвестицион муҳитни шакллантиришга ҳам хизмат қилади. Бошқача айтганда, янги иқтисодий шароитда биз пул маблағларини бир шаклдан бошқа шаклга, яъни аҳоли ва хўжалик юритувчи субъектларнинг жамғармаларини узоқ муддатли инвестицияларга айлантиришни кўзда тутувчи механизм яратиш борасида ишлашимиз керак. Бу эса, Президентимизнинг яқинда бўлиб ўтган видеоселектор йиғилишида "иқтисодий ривожлантиришда аҳоли жамғармаларини инвестиция шаклида ҳаракатга келтириш, одамларда тадбиркорлик ҳиссини кучайтириш" борасида белгилаб берган вазифалари ижросини таъминлашда муҳим аҳамият касб этади, – деди Марказий банк раиси.

Ички бозордаги нархлар барқарорлигини таъминлаш ва инфляция даражасининг паст кўрсаткичларига эришиш учун монетар ва номонетар характерга эга бўлган таваккалчиликларнинг олдини олиш 2019 йилда пул-кредит сиёсати соҳасидаги устувор вазифалардан бири бўлиб қолади.

Шу муносабат билан, 2019 йилда:

– бозор механизмларидан самарали фойдаланган ҳолда қатъий пул-кредит сиёсатини давом эттириш, ички нархлар барқарорлигига ва инфляция даражасининг паст кўрсаткичига эришиш;

– банк тизими ликвидлик даражасини тизимли тартибга солишга йўналтирилган пул-кредит операцияларини доимий такомиллаштириб бориш;

– монетар ва солиқ-бюджет сиёсатининг уйғунлашувини таъминлаш, қабул қилинаётган қарорларнинг шаффофлигини ошириш ҳамда аҳоли ва хўжалик юритувчи субъектлар билан мулоқот ўрнатилган, ахборот-коммуникацион каналлардан кенг фойдаланиш;

– молия бозорининг янада ривожланиши учун қўшимча суръат бериш ва илғор ахборот технологияларидан кенг фойдаланган ҳолда молиявий инфратузилмани янгидан шакллантириш масалалари банк тизимининг асосий вазифалари сифатида белгиланмоқда.

2019 йилда тижорат банкларининг молиявий барқарорлигини таъминлаш масаласи ўта муҳим омил сифатида қаралмоқда. Шу нуқтаи назардан ва, умуман, халқаро тамойилларга мувофиқ, 2019 йилда банк тизимини янада ривожлантириш мақсадида асосий эътибор илғор халқаро тажрибага таянган ҳолда, тизимли асосда банк назоратининг янги механизмларини жорий этиш ва уларнинг молиявий барқарорлигини янада мустаҳкамлашга, ахборот технологияларини кенг татбиқ этиш ва унинг очиклигини таъминлаш орқали замонавий банк хизматларидан фойдаланувчи аҳоли ва тадбиркорлик субъектлари кўламини кенгайтиришга, банклар билан тадбиркорлик субъектлари ўртасида самарали ва ўзаро манфаатли ҳамкорлик муносабатларини таъминлаш масалаларига қаратилади.

Шунингдек, тадбирда М. Нурмуратов Ўзбекистон банк секторини хусусийлаштириш ҳамда имтиёзли кредитлаш шакл ва механизмлари қайта қўриб чиқиши, тижорат банклари ва миқозлар ўртасидаги муносабатлар эса бозор механизмларига ақиллаштирилиши ҳақида таъкидлади.

Шундан сўнг Марказий банк Пул-кредит сиёсати департаменти директори Беҳзод Ҳамроев сўзга чиқиб, Монетар сиёсатнинг 2019 йил ва 2020-2021 йиллар даврига мўлжалланган асосий йўналишлари ҳақида батафсил маълумот берди.

Ўрта муддатли истиқболда пул-кредит сиёсатининг муҳим вазифалари сифатида инфляция даражасини пасайтириш ва инфляция таргетлаш режимида ўтиш учун асос яратиш, шу жумладан пул-кредит сиёсати инструментлари ва трансмиссион механизмларини ривожлантириш каби вазифалар белгилаб олинган таъкидланди.

Пул-кредит сиёсатининг асосий йўналишлари дастурий ҳужжат ҳисобланиб, у жорий макро-иқтисодий ҳолат ва ташқи иқтисодий вазият таҳлили, шунингдек, ташқи ва ички шароитларнинг ривожланиш прогнозлари асосида ишлаб чиқилган. Мазкур ҳужжат ўз ичига ўрта муддатли истиқболда пул-кредит сиёсатининг мақсад ва тамойиллари, пул-кредит соҳасида амалга оширилган ишлар таҳлили ва қўрилаган натижалар, макро-иқтисодий ривожланиш сценарийлари ҳамда ўрта муддатли истиқболда пул-кредит сиёсати инструментларини такомиллаштириш чораларини қамраб олган.

Жорий йилда асосий йўналишлар келгуси 3 йиллик давр учун ишлаб чиқилиб, унда иқтисодий ривожланиш сценарийлар асосида қўриб чиқилди. Асосий сценарийга кўра, келгуси йилларда иқтисодий ривожланиш тенденцияларининг давом этиши ва ташқи шароитларнинг сезиларли даражада ўзгармаслиги ҳамда солиқ соҳасида ва таркибий ислохотлар борасида босқичма-босқич қўрилган натижаларга эришиб борилиши назарда тутилган. Муқобил (хатарли) сценарийда эса, ташқи иқтисодий шароитларнинг ёмонлашуви ва амалга ошириладиган таркибий ислохотларнинг секинлашуви тахмин қилинган.

Иқтисодий ривожланишининг асосий сценарийсига асосан ЯИМ ўсиш суръати 2018 йил якунига кўра 5,2 фоиз, 2019 йилда эса 5,4 фоиз бўлиши прогноз қилинмоқда. Йиллик инфляция даражасининг прогноз кўрсаткичлари 2018 йилда 16-17 фоизни, 2019 йилда 13,5-15,5 фоизни ва 2020 йилда 10-12 фоизни ташкил этади. 2021 йилдан бошлаб йиллик инфляция даражаси бир хонали кўрсаткичга пасайиши кўтилмоқда.

Иккала сценарийда ҳам Марказий банк пул-кредит сиёсатини юритишда эҳтиёткорона ёндашувдан фойдаланиб, пул-кредит шароитларини бир маромда қатъийлаштириб боришни режалаштирмоқда.

Анжуман сўнгида қўрилган масалалар юзасидан таклиф ва мулоҳазалар билдирилди.

Б. МУҲАММАДИЕВ

БАНК ЯНГИЛИКЛАРИ

Молиявий саводхонлик – тараққиёт гарови



(Давоми. Бошланиши 1-бетда.)

Анжумандан кўзланган асосий мақсад эса Ўзбекистонда молиявий оммабоплик ва саводхонлик бўйича миллий стратегияни ишлаб чиқиш ва амалга ошириш, хусусан, вазирлик, идора ва банк тизими йўналишида самарали ҳамкорликни йўлга қўйиш учун интеграциялашув ҳамда комплекс тарзда ишлаш масалалари хусусида фикр алмашиш, бу борада халқаро тажрибани ўрганишдан иборат бўлди. Анжуман аввалида республика Марказий банки бошқаруви раисининг биринчи ўринбосари Тимур Ишметов охириги икки йил ичида банк тизимида олиб борилган жадал ислохотлар, банк маҳсулотлари ва хизматларининг молиявий оммабоплигини ошириш ҳамда аҳолининг молиявий саводхонлигини кўтариш масалаларига алоҳида тўхталиб ўтди.

– Бугун жаҳонда молиявий соҳалар тез суръатларда ривожланиб, янги-янги даромад манбалари кириб келаётир. Айниқса, банк тизимларида ташкил этилаётган инновацион хизматлар банкларнинг иқтисодий юксалишида муҳим роль уйнамоқда, – деди Марказий банк бошқарма бошлиғи Баҳодир Мирзаев ўз маърузасида. – Афсуски, бу борада бизда қилиниши лозим бўлган ишлар бисёр. Чунки банкларимиз томонидан қанчалик замонавий инновацион хизматлар жорий



этилмасин, аҳоли тушуниб, ундан фойдаланишни билмас экан, иқтисодий ўсиш суръатлари биз кутганчалик бўлмайди. Шу боис бугун Марказий банк олдида турган энг долзарб вазифалар ҳам аҳоли молиявий саводхонлигини оширишдан иборат. Бу борадаги ишларни жонлантириш мақсадида Марказий банк томонидан Банк хизматлари истеъмолчиларининг ҳуқуқларини ҳимоя қилиш хизмати ташкил этилди ҳамда “Банк хизматлари истеъмолчилари билан ўзаро муносабатларни амалга оширишда тижорат банкларининг фаолиятига қўйиладиган минимал талаблар тўғрисида”ги Низом ишлаб чиқилди. Бу эса, ўз навбатида, фуқароларнинг ҳуқуқларини ҳимоялашда, молиявий билимини оширишда муҳим ўрин тутмоқда. Анжуман давомида Марказий банк вакилларидан ташқари халқаро молия институтлари мутахассислари ҳам сўзга чиқиб, тадбиркорлик субъектлари ва аҳолининг молиявий саводхонлигини ошириш, молиявий хизматларда истеъмолчилар ҳуқуқларини ҳимоя қилиш ва қонунчилик муҳитини яратиш ҳамда давлат органларининг молиявий ташкилотларни тартибга солиш масалаларига алоҳида тўхталиб, бу борада халқаро тажрибалар билан ўртоқлашди.

Шунингдек, маърузачилар ишлаб чиқаришда банк тизимлари назорати ролини кучайтириш, молиявий оммабоплик ва саводхонлик миллий стратегиясини амалга ошириш, таҳлил қилиш ва молиявий хизматларда истеъмолчилар ҳуқуқларини ҳимоя қилишнинг самарали тизимини яратиш борасида ўз тақлифларини бердилар.

ЧОРВАЧИЛИКНИНГ ИСТИҚБОЛИ ҚАНДАЙ ?

Акциядорлик тижорат Халқ банки томонидан “Пойтахт” бизнес марказида чорвачилик соҳасидаги етакчи олим ва мутахассислар ҳамда ҳудудлардаги чорвадорлар иштирокида “Ўзбекистонда чорвачилик ва сутни қайта ишлаш: муаммо ва ривожланиш истиқболлари” мавзусида давра суҳбати ташкил этилди.

Унда дастлаб, АТ Халқ банки Бошқаруви раиси Абдурашул Абдуллаевнинг юртимиздаги тижорат банклари, хусусан, Халқ банки томонидан чорвачилик тармоғига ажратилаётган кредитлар, чорвадорлар дуч келаётган муаммолар хусусидаги маърузаси тинланди.

Таъкидландики, Ўзбекистон Республикаси Президентининг 2015 йил 29 декабрдаги “2016-2020 йилларда қишлоқ хўжалигини янада ислоҳ қилиш ва ривожлантириш чора-тадбирлари тўғрисида”ги қарори ижросини таъминлаш мақсадида банк тизимида кенг қўламли ишлар олиб борилмоқда.

Хусусан, банк томонидан четдан насли қорамоллар сотиб олиш учун 2018 йилнинг ўтган даврида 241 та лойиҳага 288,9 млрд. сўмлик кредитлар ажратилиб, четдан 11 382 бош насли қорамоллар олиб келинди.



Мисол учун, банкнинг Хоразм вилояти Урганч филиали томонидан “Тўмарис нур чорва” фермер хўжалигига ажратилган 7 млрд. 400 млн. сўм миқдоридagi кредит маблағи ҳисобига Германия давлатидан 319 бош “Симментал” ва “Голштин” зотли қорамоллар олиб келинди ва 15 та янги иш ўринлари яратилди. Бу каби мисолларни кўплаб келтириш мумкин.

Статистик маълумотларга кўра, бугунги кунда республикамизда жами 12,4 млн. бош йирик шохли қорамоллар ва 21 млн. бош майда шохли моллар

мавжуд. Шунингдек, жорий йилнинг ўтган даврида республикамизда жами 2,2 млн. тонна гўшт ва 10,1 млн. тонна сут маҳсулотлари етиштирилган.

Аммо чорвачилик соҳасида кенг қўламли ишлар амалга ошириб борилишига қарамасдан, бугунги кунда республикамиз бозорларида гўшт ва сут маҳсулотларининг нархи юқориликча қолмоқда. Бу эса, ўз навбатида, халқимизнинг оилавий даромадига, қолаверса қайта ишлаш корхоналарида сут ва гўшт маҳсулотларини қайта ишлашда таннархнинг ошиб кетишига олиб келаётир.

Аҳолининг инвестиция ва жамғариш имкониятларини кенгайтириш, мамлакатда қимматбаҳо металллар бозори фаолиятини ривожлантириш мақсадида ҳамда жаҳон тажрибаси ва амалиётидан келиб чиқиб, Ўзбекистон Республикаси Марказий банки олтин ва кумушдан тайёрланган эсдалик тангаларини муомалага чиқариш бўйича тажриба лойиҳасини амалга оширмоқда.

Марказий банк эсдалик тангалари

Сотувга 1994-2009 йилларда зарб этилган, 2 хил олтин ҳамда 14 хил кумуш эсдалик тангалари қўйилган бўлиб, уларнинг асиллик даражаси 999,9 ҳамда оғирлиги 31,1 граммдан иборат.

Сотувга жами 1900 дона олтин ҳамда 6900 дона кумуш эсдалик тангалари қўйилган.

Мазкур тангалар уларнинг техник хусусиятларини тасдиқловчи асиллик сертификатлари билан сотувга чиқарилади. Тангалар “PROOF” сифатида мувофиқ тайёрланган.

Эсдалик тангаларини сотиш нархи Марказий банк томонидан ҳар ҳафтада камида бир марта миллий валютатада белгиланади.

2018 йил 28 ноябрдан бошлаб эсдалик тангаларини тижорат банкларининг айрим филиалларида нақд ва нақд пулсиз ҳисоб-китоблар асосида сотиб олиш мумкин.

Батафсил маълумот билан Марказий банк сайти — cbu.uz орқали танишиш мумкин.

Бу масалаларнинг ечими ўрганилганда соҳада ҳал этилиши лозим бўлган ишлар кўп эканлиги кўзга ташланмоқда. Бу биринчи навбатда ем-хашак масаласи бўлса, гўшт ва сут маҳсулотларининг сифати эса алоҳида бир мавзу. Шу боисдан тизимда ислохотларни янада жонлантириш талаб этилмоқда.

Давра суҳбати давомида чорвачилик хўжаликларидagi мавжуд муаммоларни ҳал қилишда ҳар томонлама кўмаклашиш, чорвачиликни илмий асосда ташкил этишда амалий ёрдам кўрсатиш бўйича алоҳида уюшма ёки назорат қилувчи ташкилот тузиш тақлифи ҳам билдирилди. Бу тақлифни барча чорвачилик фермер хўжалиги раҳбарлари бир овоздан маъқуллаб, фақат ўта самарали, таъсирчан тизим ташкил этиш керак деган фикрни билдиришди. Агар уюшма ташкил этилса, бу масалалар билан шугулланадиган алоҳида бир ташкилот пайдо бўлади, дейилди тадбирда.

Шунингдек, анжуманда Хоразм вилоятида йирик сутчилик кластери ташкил этилаётгани хусусида ҳам сўз юритилиб, мазкур кластернинг аҳамияти ва самардорлиги ҳақида тўхталиб ўтилди.

Инновацион банк хизматлари

“Туронбанк” АТБ Президентимизнинг 2018 йил 23 мартдаги “Банк хизматлари оммабонлигини ошириш бўйича қўшимча чора-тадбирлар тўғрисида”ги қарори ижросини таъминлаш мақсадида кўплаб янгилликларга қўл урмоқда.



Жумладан, замонавий банк хизматлари доирасини кенгайтириш мақсадида Тошкент шаҳрининг Мирзо Улуғбек туманида “Мирзо Улуғбек” филиали ўз фаолиятини бошлади. Бундан ташқари, банк хизматларини аҳолига яқинлаштириш мақсадида Қашқадарё вилояти Қарши шаҳрида “Мустақиллик”, Навоий вилояти Хатирчи туманида “Хатирчи”, Жиззах вилояти Зомин туманида “Зомин”, Сурхондарё вилояти Термиз шаҳрида “Сурхон”, Тошкент вилояти Зангиота туманида “Изза” ва Хоразм вилояти Хонқа туманида “Хонқа” мини-банклари ташкил этилди.

Қолаверса, ҳудудлардаги гавжум жойларда жами 35 та миллий валютада хизмат кўрсатадиган банкоматлар ўрнатилиб, улар орқали 2018 йилнинг 10 ойида жами 87,4 млрд. сўм нақд пул маблағлари берилди. Шу билан бирга, тизимда нақд пулсиз ҳисоб-китобларни кенгайтириш

ва пластик карточкалар эмиссиясини кўпайтириш борасида амалга оширилган манзилли чора-тадбирлар натижасида жорий йилнинг 1 ноябрь ҳолатига кўра, банк томонидан муомалага чиқарилган пластик карточкалар сони йил бошига нисбатан 15,7%га ошиб, 477,4 минг донани ташкил этди.

Бугунги кунда банкнинг барча филиалларида ҳамда гавжум жойларда 28 та кўп функцияли автоматлаштирилган валюта айирбошлаш банкоматлари ўрнатилган бўлиб, ҳозирда улар 24 соат давомида аҳолига хизмат кўрсатмоқда.

Шунингдек, банк томонидан мини-банклар, жамғарма кассалари, савдо ва аҳолига пуллик хизмат кўрсатувчи ташкилотларга 5 946, жумладан, юридик ташкилотларга 2 587, хусусий тадбиркорларга 3 115, банк бўлинуларида 156 ва коммунал ташкилотларга 40 та тўлов терминаллари ўрнатилган. Банк томонидан 250 дан ортиқ инфокиоск-

лар жойлаштирилгани эса мазкур йўналишдаги ишларнинг самарадорлигини кўрсатмоқда. Қолаверса, банк томонидан савдо ва хизмат кўрсатиш шохобчаларига ўрнатилган барча терминаллар орқали “UnionPay” карта эгаларига хизмат кўрсатиш йўлга қўйилган.

Мижозларга янада қулайлик яратиш, банк хизматларини автоматлаштириш ҳамда масофавий банк хизматлари қамровини кенгайтириш мақсадида “Интернет-банкнинг”, “SMS-банкнинг” ҳамда “Мобил-банкнинг” каби онлайн хизматлар йўлга қўйилди. Бу эса тизимдан фойдаланувчилар сонини бир неча баробарга оширди. Банкнинг “MY TURON” мобил илова-си орқали барча турдаги бюджет, коммунал, интернет, кабел телевидениеси ва мобил алоқа учун тўловлардан ташқари, онлайн тарзда жисмоний шахсларнинг миллий валютадаги карталардан пул маблағларини муддатли омонатларга ўтказиш, онлайн тарзда конверсия амалиётларини амалга ошириш, банк кредитларини сўндириш каби турли тўловларни амалга ошириш имконияти яратилди. Жорий йил бошидан мазкур мобил илова орқали банк миқозларига 312,5 минг АҚШ долларини сотиб, 415,6 млн. сўм пул маблағлари миллий валютадаги омонатларга жойлаштирилгани унинг нақадар самарали илова эканидан далолатдир.

“Туронбанк” миқозларига янада қулайликлар яратиш мақсадида аҳоли омонатлари дахлсизлигини таъминловчи биометрик идентификациялаш ҳамда кредитлашнинг “Овердрафт” ва “Микроқарз” каби банк маҳсулотларини жорий этди. Шу билан бирга, миқозлар учун миллий валютадаги юқори фоиз ва қулай шартларда “Орзу” ва “Келажак” ҳамда хорижий валютада “Ҳамён” ва “Сармоё” муддатли омонатларини амалиётга киритди.

Ўзбекистон бўйлаб саёҳатлар учун кредитлар ажратилмоқда

Ҳозирги кунга қадар тижорат банклари томонидан аҳолига Ўзбекистон бўйлаб сайёҳлик турларини сотиб олиш учун жами 400,0 млн. сўмдан ортиқ истеъмол кредитлари ажратилган.



Ўзбекистон Республикаси Президентининг 2018 йил 7 февралдаги “Ички туризмни жадал ривожлантиришни таъминлаш чора-тадбирлари тўғрисида”ги қарори ижроси доирасида тижорат банклари томонидан аҳолига Ўзбекистон бўйлаб сайёҳлик турларини сотиб олиш учун истеъмол кредитларини ажратиш ишлари амалга оширилиб келинмоқда, дея хабар бермоқда Туризмни ривожлантириш давлат қўмитаси матбуот хизмати. Қўмита олган маълумотларга кўра, ҳозирги кунга қадар тижорат банклари томонидан аҳолига Ўзбекистон бўйлаб сайёҳлик турларини сотиб олиш учун жами 400,0 млн. сўмдан ортиқ истеъмол кредитлари ажратилган.

Ушбу истеъмол кредитларининг ажратиши ички туризмни янада ривожлантириш ҳамда аҳолининг мамлакатимиз бўйлаб саёҳат қилишга бўлган қизиқишлари ортаётганлигидан далолат беради.

Тижорат банклари маълумотларига кўра, Ўзбекистон бўйлаб сайёҳлик турларини сотиб олиш учун ажратиладиган истеъмол кредитлари суммаси 2019 йилда жорий йилга қараганда юқори бўлиши кутиляпти.

ЎЗА

Бугун халқимиз ўзининг асрлар давомида мерос бўлиб келаётган отабобо касби — деҳқончиликни сўнгги усулдаги замонавий технологиялар билан бойитиб, ҳосил унумдорлиги ва ҳатто шўр туپроқдан ҳам яхшигина даромад олишга эришмоқда. Узоқ-яқин давлатларга ҳам ўзбекининг асл мева ва сабзавотлари таъмини билиш имконини ҳаётиятда эрмақда. Зеро, буларнинг ортида мамлакатимизда аҳоли тадбиркорлигини қўллаб-қувватлашга қаратилган одилона сиёсат тургани ҳеч биримизга сир эмас.

Куни кеча Президентимизнинг “Иссиқхона комплексларини ривожлантириш учун қўшимча шарт-шароитлар яратиш чора-тадбирлари тўғрисида”ги қарорининг қабул қилингани ҳам қишлоқ хўжалигининг ҳар бир йўналишига берилаётган эътибордан далолат. Айтиш жоизки, иссиқхона йўналишини ривож ва фуқароларимизнинг бу борадаги лойиҳаларини қўллаб-қувватлашда юртимиздаги барча тижорат банкларининг ҳам ўз ўрни, салмоқли улуши бор. Айниқса, “Ўзмиллийбанк” ўтган йил мобайнида мазкур йўналишда самарали фаолият кўрсатди.

Замонавий иссиқхоналар пойдевори

Хусусан, Давлатимиз раҳбарининг 2017 йил 2 мартдаги “Осиё тараққиёт банки иштирокида “Мева-сабзавотчилик тармоғида қўшилган қийматни яратиш занжирини ривожлантириш” лойиҳасини амалга ошириш чора-тадбирлари тўғрисида”ги қарорига асосан, “Ўзмиллийбанк” Жиззах вилояти бўлими томонидан “Aziz Agro Imkon Sanoat” МЧЖнинг бир гектар ер майдонида замонавий иссиқхона ташкил қилиш лойиҳасини амалга ошириш мақсадида Эрон давлатида ишлаб чиқарилган ускуналарни сотиб олиш учун 579 800,0 АҚШ доллари миқдорига кредит ажратилди. Натижада 23 та янги иш ўрни ташкил этилиб, йилига 220 тонна қишлоқ хўжалик маҳсулотлари ишлаб чиқарилиши кўзда тутилмоқда.

Шунга ўхшаш кредитлардан яна бири “Ўзмиллийбанк” Муборак филиали томонидан Муборак туманидаги “Иссиқлик маркази” АЖ ҳудудида жойлашган, асосий фаолияти қишлоқ хўжалиги маҳсулотларини етишти-



ришдан иборат “Қодиржон Насуллаев” МЧЖга ажратилди. МЧЖга ажратилган 950 млн. сўм кредит ҳисобига туманда 3 гектару 70 сотих ер майдонида замонавий иссиқхона ташкил қилинган, иссиқхонада етиштирилаётган помидор ва бодринг сабзавотлари вилоят аҳолисининг қишлоқ хўжалиги маҳсулотларига бўлган талабини қондириб келмоқда. 2016-2017 йилларда жамият томонидан 140 тонна, яъни 600 млн. сўмлик қишлоқ хўжалиги маҳсулотлари реализация қилинган.

“Ўзмиллийбанк” Сирдарё бўлими томонидан эса Халқаро тикланиш ва

тараққиёт банкининг кредит линияси ҳисобидан Ширин шаҳри М.Улуғбек маҳалласидаги “SHIRIN-AGRO-NUR” МЧЖга 1 га майдонда гидропоник иссиқхона ташкил этиш учун 567,8 минг АҚШ доллари миқдорига узоқ муддатли хорижий кредит ажратилган. Кредит маблағлари эвазига Англия давлати “AROMA EUROPE LIMITED” компанияси томонидан иссиқхона учун зарур барча ускуналар етказиб берилган. Мазкур иссиқхона ишга тушгач, қўшимча 7 та янги иш ўрни ташкил этилиши ҳамда йилига 144 тонна помидор ва 172 тонна бодринг ҳосили етиштирилиб, маҳсулотнинг 60%и экспорт қилиниши кўзда тутилмоқда.

Шубҳа йўқки, мамлакатимизда мева-сабзавот маҳсулотлари етиштириш ва экспорт қилиш ҳажмини кўпайтириш, ер ва сув ресурсларидан фойдаланиш самарадорлигини ошириш, қишлоқ хўжалигига инновацион технологияларни жорий этишда тижорат банклари томонидан берилаётган молиявий кўмаклар асқотиб, иқтисодий таъминнинг янада юксалишига хизмат қилади.

ХАМКОРЛИК

“Агробанк”: ҳам хорижий тажриба, ҳам замонавий стратегия сари дадил қадамлар

Иқтисодиётнинг глобаллашуви жараёнида соҳанинг қон томирлари саналган банкларни тез суръатларда ривожлантириб боришни даврнинг ўзи талаб этмоқда. Давлатимиз раҳбари ҳам бежизга тижорат банклари амалиётига хорижий тажрибаларни кенг татбиқ этиш зарурлиги ҳақида такрор-такрор таъкидламаяпти. Бойси замон талаби шу — мижозларга си-фатли ва тезкор хизмат кўрсатиш.



ўтган учрашувда ҳам айнан ана шу жиҳатлар бош мақсад қилиб олинди. Аҳамиятлиси, мазкур учрашувда икки томонлама ўзаро ҳамкорлик юзасидан меморандум имзоланди. Замон талабларига жавоб беришда махсус бўлимини тузиш орқали ахборот технологияларини ривожлантиришга замин яратган, сўнгги 10 йилда катта ўзгаришларни ўтказган Россиянинг “Сбербанк”и илгор тажрибаларини ўрганиш “Агробанк” фаолиятида ҳам қўл келиши, шубҳасиз.

“Агробанк” АТБ ҳам ўз олдига илгор халқаро банк тажрибасини жорий этишни мақсад қилган. Хусусан, жорий йилнинг сўнгги уч ойи давомида банк мутахассислари Туркиянинг Т.С. “Ziraat Bankasi” А.С, Қозоғистоннинг “Цеснабанк” АЖ ва Россиянинг “Сбербанк”ига ташир буюриб, ушбу нуфузли банкларнинг илгор тажрибалари ва халқаро инновацион банк хизматларини ўрганиб қайтишди.

Жумладан, банк томонидан хорижий банклардаги учрашувларда тез-тез муҳокама этилувчи мавзу — “рақамли банкинг”ни жорий эттиришга ҳам алоҳида эътибор қаратилди.

Шуни таъкидлаш жоизки, ушбу интерфал хизмат турини ривожлантириш борасида фаоллик кўрсатаётган “Цеснабанк” АЖнинг раҳбар ва ходимлари билан бўлиб

Яқин истиқболда банк жамоаси илгор халқаро тажрибалар асосидаги стратегияни ишлаб чиқиш учун хориждан ма-лакали мутахассисларни жалб этишни режалаштирмоқда. Бу эса “Агробанк”нинг мамлакатимиз етакчи тижорат банклари орасидаги ўрнини мустаҳкамлашга замин ҳозирлайди.

Банк матбуот хизмати



FINANCEUZ хабар қилади

“Orient Finance Bank” Германиянинг LBBW банки билан корреспондентлик ҳисобварағини очди

Ташқи иқтисодий фаолиятда банк мижозлари учун хизматлар доирасини кенгайтириш бевосита банкнинг халқаро мо-ля институтлари билан алоқаларини яхшилашига боғлиқ. Шу мақсадда жорий йилнинг 20 ноябрдан бошлаб, юртимиздаги “Orient Finance Bank” Германиядаги йирик банклардан бири — Штутгарт шаҳридаги Landesbank Baden-Wuerttemberg (LBBW)да ўз вакиллик ҳисобварағини очди. Эндиликда банк мижозлари мазкур корреспондентлик ҳисобварақлари орқали хорижий валюта — Эв-ро кўринишидаги транзакцияларни бемалол амалга оширишлари мумкин.

Эслатиб ўтаемиз, LBBW банки Германиядаги йирик давлат кре-дитори ҳисобланади. Банкнинг бош офиси Штутгартда жойлашган. LBBW “Baden-Württembergische Bank” (BW-Bank), “Rheinland-Pfalz Bank” ва “Sachsen Bank”ларни ўз ичига олади. У мамлакатда 200 та филиал ва хизмат кўрсатиш шохобчаларига эга, қолган 24 та-си бошқа мамлакатлар ҳудудиде жойлашган.

Шунингдек, LBBW бутун дунё бўйлаб 2800 та банкда кенг коррес-пондентлик тизимини йўлга қўйган.

“Комфорт” омонати билан янада қулай



ТИФ “Ўзмиллибанк” миллий ва хорижий валюта кўринишидаги янги муддатли омонат — “Комфорт”ни таклиф этмоқда. Омонатнинг сақлаш муддати 25 ой бўлиб, йиллик фо-из ставкаси миллий валютадаги омонат учун 18%ни, хорижий валютадаги омонат учун 4%ни ташкил этади.

Шунингдек, омонатни масофадан туриб ҳам (онлайн) очиш мум-кин. У ҳолда депозитнинг йиллик фоиз ставкаси миллий валютада-ги омонат учун 18,25%ни, хорижий валютадаги омонат учун 4,25%ни ташкил этади.

“Комфорт”нинг бошланғич бадал миқдори — 5 000 000 сўм ёки 1 000 АҚШ доллари бўлиб, депозит бўйича кирим-чиқим операция-ларини бажариш кўзда тутилган. Бунда омонат қолдиғи 5 000 000 сўм / 1 000 АҚШ долларидан камаймаслиги лозим.

Омонат бўйича фоизлар 1 йилдан сўнг ва омонат муддати тўлиқ тугагандан кейин тўланади.

“Капиталбанк”дан янги омонат турлари

“Капиталбанк” АТБ хорижий валюта кўринишидаги 25 ой му-датли янги омонат тури — “Янада қулай”ни таклиф этмоқда. Мазкур омонатнинг йиллик фоиз ставкаси 6% бўлиб, фоизлар ҳар ойда омонат валютаси кўринишида тўлаб борилади. Депозитнинг энг кам бошланғич тўлов суммаси 500 АҚШ доллари Эвро бўлиб, унга қўшимча маблағ қўшиб бориш назарда тутил-ган.

Омонат муддатидан илгари ёпилганда фоизлар куйиб кетмайди. Шунингдек, банк миллий валюта кўринишидаги “Универсал” ва “Шошилмасдан” омонат турларини ҳам таклиф этмоқда.

“Универсал”нинг йиллик фоиз ставкаси 18% бўлиб, омонат му-дати 37 ойни ташкил этади ва бу давр мобайнида уни тўлдириб бо-риш имконияти мавжуд. Фоизларни тўлаб бериш омонат шартлари асосида амалга оширилади.

“Шошилмасдан” депозитининг йиллик фоиз ставкаси эса 16 %ни ташкил этиб, омонат банкка қўйилганининг 7-ойидан 9-ойигача 18%, 10-ойидан 12-ойигача 19% кўринишида фоиз ставкаси ажра-тилади. Омонатнинг амал қилиш муддати 37 ой. Уни тўлдириб бо-риш ва маблағни қисман ечиш имкониятлари мавжуд.

“Алоқабанк”дан акция

“Алоқабанк” янги йилгача давом этадиган акция ўтказмоқда. Ак-ция иштирокчилари мутлақо бепул равишда UnionPay кобейж, Visa Classic ва Uzcard карталарини олишлари мумкин.



МИКРОКРЕДИТБАНК

акциядорлик тижорат банки

Микрокредитбанк «МКВ Mobile»
мобиль иловаси орқали йиллик

20%оли

«Barqaror-online»

омонатини таклиф этади.



«МКВ Mobile» — замонавий, тезкор ва қулай!

Тел.: 71-202-99-99

www.mikrokreditbank.uz

Хизматлар лицензияланган

ДУНЁГА НИГОҲ

LSE ОБЛИГАЦИЯЛАР САВДОСИНИ ҚИСМАН МИЛАНГА КЎЧИРАДИ



“Financial Times” нашрининг қайд этишича, Лондон фонд биржасининг оператори (LSE), London Stock Exchange Group (LSEG) Буюк Британия Евроиттифоқ таркибидан чиқиб кетганидан сўнг облигациялар савдосини қисман Миланда юритиш масаласини муҳокама қилмоқда.

Ҳозирги кунда давлат облигациялари билан боғлиқ амалиётлар LSEG платформасига тегишли MTS Cash орқали амалга оширилмоқда. Биржа иштирокчиларига тегишли облигацияларнинг жами ҳажми суткасига 13,4 миллиард АҚШ долларига тенг. Врейдан сўнг 2019 йил март ойида бизнеснинг деярли 20 фоизи Лондондан Миланга ўтказилади. MTS Cash суверен эмитент ва инвестицион банклар ўртасидаги алоқани мустақамлаш ҳамда жойлаштириш нархини аниқлаштиришда муҳим аҳамиятга эга бўлиб келмоқда.

Миланда тизим яратилиб, у Италия Марказий банки ва молия вазирлигининг қўшма корхонасини ўзида ифода этади. Бироқ Миланга қайтиш нафақат тизим тарихи билан боғлиқ, балки Италия еврохудудининг йирик

давлат облигациялар бозори жойлашган мамлакатлиги билан ҳам ажралиб туради.

Март ойидан бошлаб фақатгина Буюк Британия ҳукумати ва банклари LSEG га тегишли MTS Cash платформасининг Лондондаги бўлинмасидан фойдаланади. Европанинг бошқа мамлакатлари MTS Cashни Миландаги майдон орқали қўллаш бошлайди.

Евроиттифоқнинг айрим давлатлари, масалан, Франция янги облигациялар эмиссияси ва савдосини маҳаллий банк ва платформалар орқали амалга оширади. Бироқ ташкилотнинг ўндан ортик мамлакатлари, жумладан Австрия, Чехия, Ирландия, Голландия, Португалия сингари давлатлар учун Лондондаги MTS йирик инвесторларга чиқилиши асосий каналларидан бири ҳисобланади. Европанинг суверен эмитентларидан ташқари ушбу платформадан Исроилнинг давлат облигациялари бирламчи савдоси ҳам чиқиб кетади.

Бундан ташқари, MTS еврохудуднинг облигациялари иккиламчи савдосини ҳам Лондондан Италияга кўчириш ниятида. Айни пайтда MTSнинг Англиядаги BondVision бўлинмаси ўз фаолиятини давом эттиради.

Нашрда ёзилишича, MTS Cash – ЕИ молия тизимининг энг муҳим таркибий қисмларидан бирига айланади улгурган эди. Аввалроқ Лондонда фаолият юритаётган Refinitiv суткасига ҳажми 300 миллиард АҚШ долларидан ортадиган валюталари амалиётларни Дублинда амалга ошира бошлашгани маълум қилганди. CME Groupга тегишли BrokerTec платформаси эса кунга 50 миллиард еврога тенг репо савдосини Амстердамга кўчарадиган бўлди.

Хитойнинг электрон маҳсулотлар ишлаб чиқарадиган энг йирик компанияларидан бири Foxconn Technology Group рақобат синовларига бардош берамай, 2019 йилдаги харажатларини 20 миллиард юан (2,9 миллиард АҚШ доллари)га қисқартириш ниятида.

FOXCONN ЎЗ ХАРАЖАТЛАРИНИ 2,9 МИЛЛИАРД АҚШ ДОЛЛАРИГА ҚИСҚАРТИРАДИ



Компаниянинг iPhone йиғадиган бўлинмасининг ўзи 2019 йилдаги харажатини 6 миллиард юанга қисқартириши кутилмоқда. Бундан ташқари, техник мутахассисликка эга бўлган ходимларнинг 10 фоизини ишдан бўшатиш назарда тутилган.

Шу пайтгача Foxconn ўз менежерларини 150 минг АҚШ долларигача бўлган миқдорда йиллик рағбатлантириб борган. Эндликда компания бу масалани ҳам қайта кўриб чиқадиган бўлди. Шунингдек, Foxconn Industrial Internet Co. бўлинмасининг харажатини ҳам 3 миллиард юанга қисқартиришга мажбур бўлмоқда.

Сўнгги 12 ой мобайнида Foxconn томонидан қилинган харажат ҳажми 6,7 миллиард АҚШ долларига тенг бўлди.

Foxconn турли хил қурилмаларни йиғадиган компания ҳисобланади. Хитой ва бошқа мамлакатлардаги заводларида iPhoneдан тортиб, ноутбук ҳамда Sony Corp. га тегишли PlayStation воситалари ҳам ишлаб чиқарилади.

Компания жаҳон бўйлаб кузатилаётган смартфонлар савдоси сусайишидан зарар кўрмоқда. Foxconn харажатларининг қисқариши Appleга нисбатан босимнинг кучайишига сабаб бўлиши мумкин. Ўтган ҳафтада Американинг учта қитъадаги компанияси билан ҳамкорлик ўрнатадиган тўртта таъминотчи талаб пасайганидан сўнг компанияга келиб тушадиган тушумга оид башоратни камайтирди. Бу эса, ўз навбатида, технологик фирмаларга тегишли қимматли қоғозларнинг нархини тушириб юборди.

IKEA 7 МИНГДАН ОРТИҚ ХОДИМЛАРНИ ИШДАН БЎШАТАДИ



Швеция компанияларидан бири — IKEA ўзига тегишли бизнес стратегиясини ўзгартириши оқибатида дунёнинг 30 мамлакатидagi 7,5 мингдан зиёд ходимларини ишдан бўшатишни режалаштирмоқда. “Financial Times” нашрида ёзилишича, компанияда жами 160 мингдан ортиқ ходим фаолият юритиб келмоқда.

Айни пайтда компания 30 дан ортиқ йирик шаҳарларда янги дўконларни очиш орқали яна 11,5 мингта янги ишчи ўрни яратиш ниятида. Бундан ташқари, фирма онлайн савдо ва логистикага ажратадиган сармоясини ҳам кўпайтирадиган бўлди.

Швециянинг IKEA компанияси — дунёнинг 50 дан ортиқ мамлакатда ўзига тегишли 422 та дўконларда уй жиҳозлари ва машиной техника маҳсулотларини чакана сотадиган йирик савдо тармоқларидан бири ҳисобланади. Ўтган молиявий йилда уларга 957 миллиондан ортиқ харидорлар ташриф буюрган. Компаниянинг 35 дан ортиқ мамлакатда интернет дўконлар ҳам ишга туширилган бўлиб, ўтган йили улардан 2,5 миллиард фойдаланувчи рўйхатдан ўтган.

IKEAга 1943 йилда асос солинган.

FAANG — Facebook, Amazon, Apple, Netflix va Google Alphabet компанияларининг қимматли қоғозлари нархи сўнгги 6 ҳафта давомида бир маромда тушиб кетди. Бунинг сабаби сифатида компаниялар томонидан даромадлар тўғрисидаги ҳафсалани пир қиладиган ҳисоботлар ва турлича башоратлар қайд этилмоқда.

Технологик тармоқнинг энг йирик бешта иштирокчилари умумий ҳисобда деярли 1 триллион АҚШ долларини йўқотди. Бу эса 52 ҳафтадан буён эгалаб келинаётган рейтингдан паства тушиш демекдир.

Хусусан, Facebook савдо яқунлари бўйича энг катта зарар кўрган компаниялардан бири бўлди. Бойси ўтган йили 2016 йилдаги сайлов давомида хорижлик фойдаланувчиларнинг онгу шуурига ижтимоий тармоқ таъсир ўтказганлиги тўғрисида миш-мишлар кенг тарқалган. Amazon акцияларининг нархи эса ўтган йили 25 октябрда компания томонидан IV чорак учун тайёрланган башоратлар таҳлилчилар ва сармоядорларнинг ишончини оқламагани сабабли тушиб кетди.

АҚШ CVV-КОДНИ ЎЗГАРТИРУВЧИ БАНК КАРТАСИНИ СИНОВДАН ЎТКАЗМОҚДА

Американнинг PNC Bank номли йирик банки динамик CVV-коди мавжуд бўлган тўлов картасига тегишли лойиҳани амалга ошириш ишлари бошланганини эълон қилди. Картанинг орқа томонида доимий равишда янгиланиб боровчи учта рақамдан иборат ҳавфсизлик коди акс эттириладиган кичик электрон дисплей ўрнатилади.

Маълумотларга кўра, бу каби инновацион карталар биринчилардан бўлиб PNC ғазначилик депар-

ТЕХНОЛОГИК ТАРМОҚ АКЦИЯЛАРИ АРЗОНЛАШИШДА ДАВОМ ЭТМОҚДА



Apple акцияларининг қиймати эса WSJ нашрида компаниянинг iPhone XR, XS ва XS Max моделлари буюртмаси камайиб кетганлигига оид маълумот чоп этилганидан сўнг пасайиб кетди. Айни пайтда Netflix ва Alphabetга тегишли қимматли қоғозлар ҳам FAANGнинг бошқа иштирокчилари билан биргаликда арзонлашмоқда.

Технологик тармоқнинг акциялари нархи Nasdaq Compositening октябрдаги кўрсаткичи 9,2 фоизга тушиб кетиши билан боғлиқ.

таментида фаолият олиб боровчи тижорат эгалари учун тақлиф қилинади. Динамик CVV-код мужассамлашган PNC Bank томонидан яратиладиган ушбу тўлов воситалари 2019 йилнинг бошида ишлаб чиқарилади.

Айтиб ўтиш лозимки, PNC банки Visa тўлов тизимига тегишли динамик CVV2-кодли (dCVV2) карталарни муомалага чиқарган. Шунингдек, юқоридagi лойиҳани амалга ошириш давомида банк хавфсизлик ва идентификациялаш воситалари соҳасида етакчилик қилувчи Idemia компанияси ва Tsys процессинг платформаси билан ҳамкорлик қилмоқда.

ҚОНУНЧИЛИК

Янги меъёрий-ҳуқуқий ҳужжатларни тақдим этамиз

Техник чигит эндиликда мулкчилик шаклидан қатъи назар, пахта чигитини қайта ишлаш бўйича ишлаб чиқариш қувватига ва тегишли сертификатларга эга бўлган маҳаллий корхоналарга ҳам сотилиши мумкин.

Энди Ўзбекистонда ишлаб чиқариладиган ўсимлик ёғи учун акциз солиғи ундирилмайди

Ўзбекистон Республикаси Президентининг айрим қарорларига ўзгартишлар киритиш тўғрисидаги Президент қарори қабул қилинди.

Киритилган ўзгартишларга кўра, Ўзбекистонда ишлаб чиқариладиган ўсимлик ёғи (пахта ёғи) учун акциз солиғи ундирилмайди.

Шунингдек, техник чигит эндиликда мулкчилик шаклидан қатъи назар, пахта чигитини қайта ишлаш бўйича ишлаб чиқариш қувватига ва тегишли сертифи-

катларга эга бўлган маҳаллий корхоналарга ҳам сотилиши мумкин. Илгариги тартибга асосан техник чигит фақат "Ўзпахтаёғ" АЖнинг ёғ-мой корхоналарига ва 23 та ҳудудий бошқа корхоналарга сотилар эди.

Бундан ташқари, эндиликда пахта чигити шелухаси ва шроти биржа савдоларида эркин сотилади. Муқаддам бундай товарлар биржа устамалари ва ҳажмларни тақсимлаш тартиби сақланган ҳолда сотилган.

Мева-сабзавот маҳсулотларини қуриштиш корхоналари ташкил қилинади

Республикада 2019–2020 йилларда мева-сабзавот маҳсулотларини қайта ишлаш ҳажмларини кўпайтиришга чора-тадбирлар тўғрисидаги Ҳукумат қарори қабул қилинди.



Қарорга мувофиқ:

2019–2020 йилларда мева-сабзавот маҳсулотларини қуриштиш бўйича амалга ошириладиган лойиҳалар мақсадли кўрсаткичлари;

2019 йилда мева-сабзавот маҳсулотларини қуриштиш корхоналарини ташкил қилишнинг манзилли дастури тасдиқланди.


Қарор билан тасдиқланган Дастур до-

ирасида умумий қиймати 818 млн. 367 минг доллар миқдоридagi жами 28 та лойиҳанинг амалга оширилиши назарда тутилган. Бу орқали эса 156 янги иш ўрни яратилади.

Шунингдек, мева-сабзавот маҳсулотларини қуриштиш бўйича 2020 йилда жами 157 та туманда 77 та лойиҳанинг амалга оширилиши режалаштирилган.

Инвестиция ва бошқарув компанияларини ташкил қилиш амалиёти кенгайтирилади

Тадбиркорлик ва инновациялар соҳасидаги лойиҳаларни молиялаштириш механизмларини такомиллаштириш бўйича кўшимча чора-тадбирлар тўғрисидаги Президент Фармони қабул қилинди.



Фармонга мувофиқ, инвесторлар, айниқса, хорижий инвесторларнинг инвестиция ҳиссаларини тезкор ва самарали жалб этиш мақсадида инвестиция ва бошқарув компанияларини ташкил қилиш амалиёти кенгайтирилади.

Фармонда белгиланганидек:

- инвестиция компанияси бошқарув компанияси томонидан кейинчалик инновацион ва бошқа истиқболли лойиҳаларга киритиш учун малакали инвесторларнинг жалб этилган маблағларини шакллантириш ва жамлаш билан боғлиқ фаолиятни амалга оширувчи тижорат ташкилоти ҳисобланади;
- бошқарув компанияси инвестиция компаниясининг инвестиция ҳиссасини улар ўртасида тузилган шартномага мувофиқ бошқарадиган тижорат ташкилоти ҳисобланади;
- венчур фонди жамланган пул маблағларини фақатгина юқори хавфли венчур лойиҳаларига инвестиция қилиш учун мўлжалланган, бошқарув компанияси бошқарувидаги инвестиция компанияси ҳисобланади;
- миллий валютада ва/ёки Марказий банкнинг ҳисса киритилган кундаги кур-

си бўйича хорижий валютада 500 миллион сўмдан кам бўлмаган миқдордаги инвестиция киритган юридик ва jisмоний шахслар, шу жумладан, хорижий шахслар малакали инвесторлар ҳисобланади.

Бошқарув ва инвестиция компаниялари, агар қонун ҳужжатларида бошқа ҳолат назарда тутилган бўлмаса, ҳар қандай ташкилий-ҳуқуқий шаклда тузилиши мумкин.

Фармон билан қуйидагилар белгиланди:

- инвестиция ва бошқарув компанияларининг фаолияти лицензияланмайди;
- бошқарув компанияси ўзининг таъсис ҳужжати ва қонун ҳужжатлари билан белгиланган таркибда ва тартибда ички аудит хизматини ташкил этишга мажбур;
- инвестиция компаниялари, бошқарув компаниялари ва малакали инвесторлар ўртасидаги муносабатлар фақатгина шартлари улар томонидан мустақил равишда белгиланиши, шу жумладан, биргаликдаги фаолият жараёнида пайдо бўладиган низо-ларни ҳал қилиш шакли ва усулларини танлаш эркин бўлган шартнома асосида тартибга солинади;
- инвестиция компаниялари заёмлар, шу жумладан, гаров таъминоти билан ёки гаров таъминотисиз фойсиз заёмлар бериш ҳуқуқига эга;
- инвестиция компанияси ҳар йили ташқи аудит ўтказилишини ташкил этишга мажбур;
- инвестиция ва бошқарув компанияларининг фаолиятини мониторинг қилиш қимматли қозғалар бозорини тартибга солиш бўйича давлат органи томонидан амалга оширилади.

2022 йил 1 январгача ташкил этилган ҳамда ўз фаолиятини амалга ошираётган инвестиция ва бошқарув компаниялари ўз фаолиятларини белгиланган тартибда давом эттиришлари мумкин.

Кредиторларнинг ҳуқуқий ҳимоясини кучайтириш ва тадбиркорлик фаолиятини молиялаштириш механизmlарини такомиллаштириш чора-тадбирлари тўғрисидаги Президент қарори қабул қилинди.

Кредиторларнинг ҳимояси кучайтирилади

Қарорга мувофиқ, 2019 йил 1 январдан:

- гаров билан таъминланмаган кредиторлар талабларини гаровга қўйилган мол-мулк қийматидан қондириш қарздор ўз мажбуриятларини бажармаган ёки лозим даражада бажармаган ҳолларда гаров реестрига қарздорнинг мол-мулкига бўлган ҳуқуқлари тўғрисида ёзув киритилган санага кўра календарь кетма-кетлигида амалга оширилади. Бунда, ушбу тартиб қарздорнинг ҳисобварағидаги пул маблағлари унга қўйилган барча талабларни қондириш учун етарли бўлмаган тақдирда, пул маблағларини ҳисобдан чиқариш навбатига таъбиқ этилмайди;
- гаров реестрига қарздорнинг мол-мулкига бўлган ҳуқуқлари тўғрисида ёзув киритган кредитор-гаровга олувчилар ўз талабларини қондиришда гаров реестрига тегишли ёзувни киритмаган кредитор-гаровга олувчиларга нисбатан устувор ҳуқуққа эга бўладилар;
- мол-мулкни харид қилишни уни таъминот сифатида қўйиш эвазига молиялаштирган кредитор гаров реестрига тегишли ёзувни киритган тақдирда, ушбу мол-мулк ҳисобдан ўз талабларини қондиришда устувор ҳуқуққа эга бўлади;
- навбатдаги гаровга қўйишга

гаров реестрига тегишли ёзувни киритиш шarti билан аввалги гаровга олувчининг розилигисиз рухсат этилади;

- гаровга қўювчи томонидан гаров предметини ижарага беришга гаров реестрига тегишли ёзувни киритиш ва бу ҳақда гаровга олувчини хабардор этиш шarti билан гаровга олувчининг розилигисиз рухсат этилади.

Қарор билан:

- шартномада ўзгача қоида белгиланган бўлмаса, қарздорнинг мажбуриятлар бажарилишини таъминлаш учун тақдим этилган мол-мулкдан фойдаланиш ёки уни сотишдан олинган ҳосил ва даромадларга кредиторнинг устувор ҳуқуқи таъбиқ этилади;
- лизинг, бўлиб-бўлиб тўлашни назарда тутувчи олди-сотди, ижара ёки бошқа битимлар объект бўлган ҳамда ушбу битимларда мажбуриятлар бажарилишини таъминлаш учун қўйилган мол-мулкка гаров учун белгиланган ундирув қаратиш тартиби таъбиқ этилади;
- ёзма битим мавжуд бўлган тақдирда, гаров предмети ёки кредиторнинг мажбуриятлари бажарилишини таъминлаш предмети сифатида қўйилган кўчар мол-мулкка ундирувни қаратишга суд буйруғи институти таъбиқ этилади.

ТАРАҚҚИЁТ ОДИМЛАРИ

Оилавий меҳмон уйлари – даромад манбаи

Бугунги кунда барча тизимларда кадрлар малакасини оширишга жиддий эътибор қаратилиб, улар учун турли ўқув-семинарлари ташкил этилмоқда.

“Ўзгросуғурта” АЖДа ўқув семинари ташкил этилди

Яқинда “Ўзгросуғурта” АЖДа ушбу ташкилот Ахборот-таҳлил бўлимининг иш фаолиятини такомиллаштириш тўғрисида ўқув семинари бўлиб ўтди.

Семинарда Бошқарув раисининг ўринбосари А.Юсуфов сўз олиб, Жамиятнинг иш фаолиятини янада такомиллаштириш йўналишида олиб бориладиган муҳим вазифалар ҳақида тўхтади. Семинар давомида қатнашчиларга Молия департаменти ходимлари ахборот-таҳлил бўлимининг иш фаолиятини такомиллаштириш чора-тадбирлари, филиал фаолиятини иқтисодий таҳлил қилиш, 2019 йилнинг бизнес-режа кўрсаткичларини ишлаб чиқиш тўғрисида маълумотлар, тушунтиришлар берилди.

Шунингдек, ўқув-семинар давомида иштирокчилар тизимда юз бераётган ўзгаришлардан бохабар бўлиши, янги ҳуқуқий ҳужжатлар билан ҳам танишдилар.

Ўқув семинари якунида мавзуга оид якуний тест синовлари бўлиб ўтди.

finance.uz

Мамлакатимиз туризм соҳасида улкан салоҳиятга эга бўла туриб, узоқ йиллар давомида бу имкониятдан тўлиқ ва самарали фойдаланилмай келди. Туризм ривожини учун қулай иқтисодий ва ташкилий-ҳуқуқий шарт-шароитлар яратилмади. Аммо Президентимизнинг 2016 йил 2 декабрдаги “Ўзбекистон Республикасининг туризм соҳасини жадал ривожлантиришни таъминлаш чора-тадбирлари тўғрисида”ги фармонида мувофиқ, сайёҳлик мамлакатимиз иқтисодиётининг стратегик тармоғи сифатида белгиланиб, мазкур йўналишда қатор ислохотлар буй кўрсата бошлади.



Янги хизмат ва савдолар ташкил этиш орқали валюта тушумини кўпайтириш масаласига алоҳида эътибор қаратилиб, республикаимиз бўйлаб оилавий меҳмон уйлари ташкил этиш мақсадида 2018 йил 7 августда Вазирлар Маҳкамасининг “Оилавий меҳмон уйлари фаолиятини ташкил этиш тўғрисида”ги қарори қабул қилинди.

Уй эгасининг оила аъзолари билан бирга яшаш тамойили бўйича бир вақтнинг ўзида 10 нафаргача ташриф буюрувчига яшаш ва овқатланиш бўйича хизматлар кўрсатувчи хусусий уй-жой бўлиши оилавий меҳмон уйлари юртимиз аҳолисининг тадбиркорлик фаолияти билан шуғулланишлари учун яна бир имкон бўлди. Эндиликда тадбиркорлар мазкур йўналишдаги уйлари ташкил этиш учун тижорат банклари билан энг кам иш ҳақининг 300 баробаргача миқдорда, беш йил муддатга, шу жумладан, 2 йиллик имтиёзли

давр билан кредитлар олишлари мумкин. Бунинг учун оилавий меҳмон уйлари Туризмни ривожлантириш давлат қўмитаси томонидан юритиладиган ягона реестрга кирган бўлса етарли.

Бугунги кунда Бухоро, Самарқанд, Хоразм, Тошкент вилоятлари ҳамда Тошкент шаҳрида ана шундай меҳмон уйлари кўпайиб бормоқда. Уларнинг ташкил этилишида тижорат банклари молиявий кўмаги ҳам муҳим роль ўйнаётир.

Жорий йилда Хоразм вилояти Туризмни ривожлантириш департаменти томонидан ҳам вилоятда оилавий меҳмон уйлари ташкил этиш бўйича 21 та лойиҳанинг манзилли рўйхати ишлаб чиқилди. Ушбу меҳмон уйлари ташкил этилишида вилоятда қўшимча 204 та меҳмон ўринлари яратилиши кўзда тутилмоқда.

– Жорий йилнинг сентябрь-ноябрь ойларида 48 ўринли 5 та оилавий

меҳмон уйлари ташкил этиш лойиҳаси амалга оширилиб, ягона реестрга киритилди, – дейди Хоразм вилояти Туризмни ривожлантириш департаменти туризм фаолиятини лицензиялаш бўлими бош мутахассиси Сирожиддин Саъдуллаев. – Шундан Урганч шаҳридаги 1 та “Нептун макс” оилавий корхонаси (ОК) томонидан 10 ўринли, Хива шаҳридаги 4 та – “Хива боғча дарвоза” ОК томонидан 10 ўринли, “Хива Азим ота” ОК томонидан 8 ўринли, “Абдулла Шарофат” ОК томонидан 10 ўринли, “Мустафо Сардорбек” ОК томонидан 10 ўринли оилавий меҳмон уйлари фаолияти тўлиқ йўлга қўйилди.

– Оилавий меҳмон уйини очишининг ўзига яраша талаблари ва масъулияти бор экан, – дейди “Абдулла Шарофат” ОК раҳбари Дилдора Аҳмедова. – Аввало, меҳмонга қулай муҳит яратиш, санитария ва гигиена қоидаларига, овқатланиш рационига алоҳида эътибор қаратиш, хизмат кўрсатиш юқори даражада бўлиши, сайёҳлар хавфсизлигини таъминлаш ҳам зиммаимиз юклатилган муҳим вазифалардан биридир. Шундан келиб чиқиб, айна пайтда меҳмонларга самарали хизмат кўрсатиш ўзбекиона урф-одат ва анъаналаримиз билан уйлари яқиндан таништиряймиз.

Ҳозирда Хоразм вилояти Туризмни ривожлантириш департаменти масъул ходимлари оилавий меҳмон уйлари ташкил этиш истагини билдирган ва янгидан жалб этилаётган лойиҳа ташаббускорларига ҳужжатларни тўплаш тартиби, тижорат банклари томонидан ажратиладиган кредит маблағлари, оилавий меҳмон уйлари ташкил этиш бўйича ҳукуматимиз томонидан берилган имтиёз ва преференциялар, “Е-меҳмон” дастурига уланиш, уйни керакли жиҳозлар билан таъминлаш, реклама ва маркетинг ишларини йўлга қўйиш, ходимлар малакасини ошириш юзасидан зарур тавсия ва амалий ёрдамларини кўрсатмоқдалар.

Г. МАЛИКОВА

Бўсағада турган саноат зоналари

Кичик саноат зоналари тез ўзгарувчан бозор талабларини биринчилардан бўлиб ўзлаштириш, истеъмолчига зарур товар ва хизматларни таклиф этиш, таваккалчиликларни осон бошқариш, турли қалтисликлардан омон қолиш каби имкониятларга эгалиги билан ўзига хос майдондир.

Бугун юртимиз ҳудудларида бўш турган ёки фойдаланилмаётган бино-иншоотлар негизда давлат ва хусусий сектор шерикчилиги асосида кичик саноат зоналари ташкил этилмоқда. Бу эса иқтисодиётнинг рақобатбардошлигини таъминлаш, экспорт салоҳиятини ошириш ва қўлаб янги иш ўринлари яратишда кўл келмоқда. Шу сабабли республикаимизнинг ҳар бир ҳудудида саноат зоналари сонини оширишга алоҳида эътибор қаратилмоқда.

Жумладан, Президентимизнинг жорий йил 29 мартдаги “Қашқадарё вилоятида кичик саноат зоналарини ташкил этиш чора-тадбирлари тўғрисида”ги қарорига асосан, Қашқадарё вилоятининг 7 шаҳар ва туманларида 10 та кичик саноат зонаси (КСЗ) ташкил этилаётир. Айна пайтда мазкур КСЗлар-

да бўндкорлик ишлари бошланган бўлиб, шу кунга қадар маҳаллий бюджет ҳисобидан 1,7 млрд.сўмлик трансформаторлар КСЗлар ҳудудига ўрнатилди. Йил охирига қадар эса мазкур тузилмаларнинг йўл, газ, электр ва сув таъминоти тизимлари ҳам тўлиқ ишга тушади.

КСЗ лойиҳаларига жами 255,1 млрд.сўмдан ортик инвестиция маблағлари киритилиши, шундан 103 млрд.сўм ташаббускорларнинг ўз маблағи ва 152,1 млрд.сўм банк кредитлари ажратилиши белгиланган. Мазкур маблағларнинг ўзлаштирилиши эвазига икки ярим мингга яқин иш ўринлари яратилиб, вилоят бюджетига йилига 80 млрд.сўм қўшимча даромад тушуриш имкони туғилади.

– Саноат зоналаридаги асосий лойиҳалар нефтькимё, мебель,

қоғоз, қурилиш материаллари, чарм-поябзал, электротехника, енгилсаноат, озиқ-овқат ва бошқа турдаги саноат соҳаларига тегишлидир, – дейди Қашқадарё вилояти ҳокимлиги ахборот хизмати раҳбари Бекзод Маматқулов. – Улар томонидан йилига 25 млн. АҚШ долларилек маҳсулот ишлаб чиқариш кўзда тутилмоқда, Шундан 4,8 млн. АҚШ долларини экспортбоп, 14,7 млн. АҚШ долларини 14 турдаги импорт-ўрнини босувчи – кузатув камера ва жиҳозлари, поябзал, занглашга қарши кимёвий моддалар, стекловод, сувенирлар, совуқ, порошок, гель ва шу каби бошқа маҳсулотлар ташкил этади.

Чирокчи туманидаги “Пахта тозалаш заводи” КСЗ ҳудудида жойлашган “Рекорд Текс” МЧЖнинг трикотаж маҳсулотларини ишлаб чиқариш лойиҳаси ҳам энг самарали корхоналардан бўлиши кўзда тутилмоқда. Унинг умумий қиймати 57,2 млрд.сўм бўлиб, шундан 33,2 млрд.сўми ўз маблағи, 24,0 млрд.сўми эса банк кредит маблағлари ҳисобидан молиялаштирилади. Корхона 2019 йилнинг якунида тўлиқ ишга туширилиши режалаштирилган. Унинг иш бошлаши

900 нафар ходимни янги иш ўрни билан таъминлаш билан бирга, бир йилда 131,2 млрд.сўмлик маҳсулот ишлаб чиқаришга имкон беради. Тайёр маҳсулотларнинг 75 фоизи экспортга мўлжалланаётгани эса чиндан ушбу лойиҳанинг қимматли эканини исботлайди. Ҳозирги кунда бу ерда қурилиш-монтаж ишлари олиб борилмоқда.

Шунингдек, шу тумандаги “Айритом” дон қабул қилиш КСЗдаги “Маргинус Уз” МЧЖнинг марганецни қайта ишлаш, Муборак тумани КСЗдаги “Global Him Reagent” МЧЖнинг занглашга қарши кимёвий модда ишлаб чиқариш, Қарши шаҳри КСЗдаги “Premium capital group” МЧЖнинг оёқ кийим ва таглиги ишлаб чиқариш (Беларусия давлатининг 400 минг АҚШ долларлик миқдоридagi тўғридан-тўғри хорижий инвестицияси асосида) лойиҳалари истиқболли деб топилиб, келгусида мазкур корхоналардан улкан натижалар кутилмоқда.

Дарҳақиқат, агар вилоятдаги ушбу саноат корхоналари қутилганидек муваффақиятли иш бошласа, аминимки, Қашқадарё вилояти ишлаб чиқаришининг ривожланган марказига айланади.

М. ПЎЛТОВА

Худудларда ижодий учрашувлар



Вақт ўтгани сари одамларнинг фикр-қарашлари ўзгаради. Тараққиёт неларнидир инкор қилиб четга суради. Уларнинг ўрнига давр талабига жавоб берадиган янги мўъжизаларни кашф этиб, ҳаётга татбиқ қилади. Лекин вақт ҳам, энг юксак тараққиёт чўққисини забт этган жамият ҳам инкор қилиб четга суролмайдиган инсоният кашф этган мўъжизалар ҳам бор. Бу – адабиёт, санъат, маданият ва оммавий ахборот воситаларидир. Улар ҳамиша инсониятга ҳамроҳ, ҳамнафас. Давр билан бирга ўсиб, ривожланиб жамият тараққиёти учун хизмат қилади.

Дарҳақиқат, бадиий адабиёт ва ОАВ ҳамиша инсониятни олдинга бошловчи йўлчи юлдуз бўлиб хизмат қилган ва шундай бўлиб қолади.

Албатта, ахборотларга бўлган талаб кучайгани сари ўқувчиларнинг газета-журналларга бўлган талаб ва таклифлари ҳам ўзгариб бормоқда. Бу эса ҳар бир босма нашрнинг ўз сўзи ва ўзига хос қиёфаси бўлишини тақозо этмоқда.

Мамлакатимизда чоп этилаётган газета-журналлар орасида "Банк ахборотномаси", "Банковские вести" газеталари ҳамда "Бозор, пул ва кредит" журнали тахририятлари жамоалари ҳам ўз фаолиятларини ана шу талаблар асосида ташкил қилишга астойдил ҳаракат қиляпти. Бу ўринда вилоятларда



ўз ўқувчилари билан ижодий учрашувлар ўтказиб, уларнинг фикр-мулоҳазаларини ўрганипти.

Яқинда ана шундай ижодий учрашув Самарқанд вилояти Марказий банкида бўлиб ўтди. Тадбирга йиғилганлар мазкур нашрларда чоп этилаётган материаллар юзасидан ўз фикр-мулоҳазаларини рўй-рост баён қилиб, газета ва журнал саҳифаларини янада бойитиш юзасидан ўз таклифларини билдиришди.

– Бугунги кунда вилоятимизда 76 та банк филиаллари фаолият кўрсатяпти, — дейди Ўзбекистон Республикаси Марказий банкининг Самарқанд вилоят Бош бошқармаси бошлиғи Қ.Собиров. – Барча ходимларимиз тизимга оид газета ва журналларни катта қизиқиш билан ўқиб боради. Эришаётган ютуқларимизда мазкур нашрларнинг ҳам муносиб ҳиссаси борлигини алоҳида таъкидлаш зарур. Чунки ходимларимиз мана шу нашрлар орқали банк ва молия оламида рўй бераётган янгиликлар билан атрофлича танишиб бормоқда. Ўзининг билими ва дунёқарашини кенгайтиряпти. Шу билан бирга, банкимизда кутубхона ва ўқув хоналари ташкил қилганмиз. Бу ерда ходимларимиз бўш вақтларида бадиий китоблар ўқиб, газета ва журналларнинг янги сонлари билан танишишлари мумкин. Ҳар ўн беш кунда ходимларимиз билан китобхонлик ва газетхонлик кечалари ташкил қиляпти. Бу тадбир ходимларимизни газета ва китобга янада яқинлаштиряпти.

Ў. АБДУЛЛАЕВ

"Sanoat qurilish bank" ходими Жаҳон чемпионати совриндори

"Sanoat qurilish bank"нинг Муборак филиали етакчи мутахассиси Насимжон Ражабов мас-рестлинг бўйича Жаҳон чемпионатида совриндор бўлди.



Жорий йилнинг 24-25 ноябрь кунлари Россия Федерациясининг Якутск шаҳрида мас-рестлинг бўйича Жаҳон чемпионати бўлиб ўтди.

Мусобақада 27 ёшли Насимжон Ражабов фахрли 3-ўринни эгаллаб, мамлакатимиз шарафини ҳимоя қилди.

Насимжон ўз меҳнат фаолиятини 2015 йил "Sanoat qurilish bank"нинг Қашқадарё вилояти Муборак филиалида кассир лавозимидан бошлаган. Ҳозирда у ушбу филиалда жисмоний ва юридик шахсларнинг мурожа-

атларини кўриб чиқиш ва ижро интизомини назорат қилиш вазифасини бажариш баробарида Ўзбекистон ёшлар иттифоқининг бошланғич ташкилоти етакчиси сифатида ҳам иш юритмоқда.

"Sanoat qurilish bank" раҳбарияти чемпион Насимжон Ражабов каби изланувчан ва интилувчан ходимлари билан фахрланади!

Қахрамонимизга эса тан-сиҳатлик, мазмунли ҳаёт, меҳнат фаолиятида муваффақиятлар тилайди. Жаҳон ареналарида яна кўп мартаба юртимиз байроғини юксакларга кўтариш насиб этишини истаб қолади.

Маълумот. Мас-рестлинг – "ёғоч таёқ учун кураш" маъносини англатади. Ушбу спорт дастлаб Якутияда пайдо бўлиб, 2003 йилда Бутунроссия спорт турлари реестрига киритилган.

finance.uz

ОБУНА-2019

ОБУНА КАМПАНИЯСИ-2019

Обуначилар диққатига!

- Обунани фақат "Банк ахборотномаси" газетаси билан шартнома тузган дистрибьютор-ташкилотлар орқали расмийлаштиринг.
- Тахририят бугунги кунда қуйидагилар билан шартнома имзолаган:

ТАРҚАТУВЧИ ТАШКИЛОТЛАР:

- ▶ "Ўзбекистон почтаси";
- ▶ "Матбуот тарқатувчи" агентликлари.

ХУСУСИЙ КОМПАНИЯЛАР:

- ▶ "SAYYOR 2017" МЧЖ;
- ▶ "GRAND INTER MEDIA" МЧЖ;
- ▶ "SHA-GAY PRESS SERVIS" МЧЖ;
- ▶ "Matbuot Servis" МЧЖ;
- ▶ "Matbuotchi" МЧЖ;
- ▶ "SURXON MATBUOT NASHRLARI" МЧЖ;
- ▶ "KALEON INFORM" МЧЖ;
- ▶ "MATBUOT TONGI" МЧЖ.

- Қулай бўлиши учун сиз нашримизнинг расмий сайти – www.banknews.uz дан тўғридан-тўғри обуна шартномасининг имзоланган шаклини юклаб олишингиз ва тўлдириб, тахририятимиз манзилига юборишингиз мумкин.



БОЗОРНИ ТўЛАҚОНЛИ ИДРОК ЭТИШ ИМКОНИЯТИ



Обуна индекси – 102.

Обуна бўйича мурожаат учун:

Тел.: (998) 71 232-45-32, 71 233-45-16.

Факс: (998) 71 232-43-98.

E-mail: info@banknews.uz

БАНК АХБОРОТНОМАСИ

АХБОРОТ-ТАҲЛИЛИЙ ГАЗЕТА

ҲАМКОРЛАРИМИЗ ВА МУАССИС

Ўзбекистон Республикаси
Марказий банки

"Norma Hamkor" МЧЖ

"Moliya yangiliklari agentligi" МЧЖ

БОШ МУҲАРРИР

Р.О.ОХУНОВ

Нашр учун масъул

Б. МУҲАММАДИЕВ

ЧОП ЭТИШГА ТАЙЁРЛОВЧИ

"Moliya yangiliklari agentligi" МЧЖ

Газета тахририятнинг
техник ускуналарида саҳифаланди.

АХБОРОТ КўМАГИ

ЎЗА, "Туркистон-пресс" НАО

ТАҲРИРИЯТ МАНЗИЛИ:

100060, Тошкент ш.,
Шаҳрисабз кўчаси, 23-уй,
e-mail: info@banknews.uz,
www.banknews.uz

Реклама ва эълонлар учун
71 232-45-32 телефони
орқали мурожаат қилинг.
Факс: 71 232-43-98.

Нашр индекси – 102.

Тахририятнинг фақат ёзма розилиғи билан "Банк ахборотномаси" да эълон қилинган материалларни кўчириб босишга ижозат берилади. Қўлёзмалар тақриз қилинмайди ва қайтарилмайди.

Газета Ўзбекистон Матбуот ва ахборот агентлиги томонидан 2012 йил 10 январда 0065-тартиб рақами билан рўйхатга олинган.

Газета ҳафтада бир марта пайшанба кuni чиқади.

Буюртма № г 1189.
Адади 3082 нусха.
Нархи шартнома асосида.
Газета А3 ҳажмда, 3 шартли босма табақда чоп этилди.
Босишга рухсат этилди: 14.11.2018 й., 9.00.
1 2 3 4 5 6